



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Culture and Sports

Broj: 12/04-30-12597-3/25  
Sarajevo, 20.08.2025. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine”, br. 49/05 i 103/21) i Odluke Vlade Kantona Sarajevo, broj: 02-04-42197-10/25 od 14.08.2025. godine, ministar kulture i sporta Kantona Sarajevo, objavljuje

**JAVNI OGLAS**  
**za popunu upražnjenog radnog mjesta namještenika na neodređeno vrijeme**  
**u Ministarstvu kulture i sporta Kantona Sarajevo**

**I - Naziv radnog mjesta:**

Viši referent za centralni obračun plaća - jedan (1) izvršilac

**II - Opis poslova radnog mjesta:**

- a) obračunavanje plaća i naknada za zaposlene,
- b) obrađivanje podataka i vođenje službenih evidencija o plaćama i o svim podacima vezanim za centralni obračun plaća,
- c) izrada uvjerenja i drugih akata vezano za službene evidencije,
- d) obrađivanje svih vrsta uplata, naknada i drugih primanja korisnika usluga,
- e) praćenje realizacije obračunatih i unesenih plaća,
- f) pripremanje periodičnih izvještaja o izvršenju bruto plaća,
- g) obavljanje i drugih poslova po nalogu ministra, pomoćnika ministra, za ekonomsko - pravne poslove i šefa odjeljenja,
- h) učestvuje u svim oblicima stručnog obrazovanja i usavršavanja, koje se odnosi na opis poslova ovog radnog mjesta,
- i) za svoj rad odgovora šefu odjeljenja i pomoćniku ministra.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

**III - Uslovi za vršenje poslova:**

Pored općih uslova navedenih u članu 24. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine”, br. 49/05, 45/10 i 103/21) kandidat treba ispunjavati i posebne uslove za obavljanje poslova navedenog radnog mjesta utvrđene Pravilnikom o unutrašnjoj organizaciji i sistematizaciji Ministarstva kulture i sporta Kantona Sarajevo i to:

Završena srednja ekonomska škola ili gimnazija, SSS-IV stepen, najmanje 10 mjeseci radnog staža u struci, poznavanje rada na računaru i položen stručni ispit.

**IV - Potrebna dokumentacija:**

Uz svojeručno potpisanu prijavu na javni oglas koji sadrži kraću biografiju, adresu i kontakt telefon, poziciju radnog mjesta na koju se prijavljuje, sa tačno navedenom dokumentacijom koja se prilaže,



Adresa: Reisa Džemaludina Čauševića 1, 71 000 Sarajevo  
Tel/fax: + 387 (0) 33 562-062  
Web: <http://mks.ks.gov.ba>, E-mail: [mks@mks.ks.gov.ba](mailto:mks@mks.ks.gov.ba)

kandidat je obavezan priložiti original ili ovjerenu kopiju (ne stariju od šest mjeseci) sljedeće dokumentacije:

1. Uvjerenje o državljanstvu Bosne i Hercegovine,
2. Izvod iz matične knjige rođenih,
3. Dokaz o stepenu i vrsti školske spreme potrebne za obavljanje poslova radnog mjesta na koje aplicira (diploma ili svjedočanstvo o završenoj školi ili nostrificirana diploma ukoliko škola nije završena u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
4. Dokaz o radnom stažu (uvjerenje/potvrda iz službene evidencije poslodavca ili uvjerenje FZ PIO/MIO FBiH),
5. Izjava kandidata da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji odnosno Bosni i Hercegovini (ovjerena u nadležnoj službi općine),
6. Izjava kandidata da nije obuhvaćen odredbom člana IX 1. Ustava Bosne i Hercegovine (ovjerena u nadležnoj službi općine),
7. Dokaz (potvrda/uvjerenje) o poznavanju rada na računaru,
8. Dokaz o položenom stručnom ispitu za namještenike u organima državne službe u Federaciji Bosne i Hercegovine,
9. Dokaz o prednosti pri zapošljavanju (rješenje/uvjerenje od nadležne institucije).

#### **V - Prednost pri zapošljavanju:**

Prednost pri zapošljavanju ostvaruju branioci i članovi njihovih porodica u skladu sa Zakonom o dopunskim pravima boraca - branitelja („Službene novine Kantona Sarajevo, broj 31/22), Zakonom o pravima demobilisanih branilaca i njihovih porodica („Službene novine Kantona Sarajevo, broj 54/19) i Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, („Službene novine Kantona Sarajevo“, br. 37/20 i 27/21).

#### **VI - Objava i rok za prijavu:**

Javni oglas će se objaviti u dnevnom listu: Dnevni avaz, Oslobođenje i Dnevni list i web stranici Ministarstva kulture i sporta Kantona Sarajevo.

Javni oglas ostaje otvoren 15 dana od dana posljednjeg objavljivanja.

#### **VII - Način dostavljanja:**

Prijavu sa traženim dokumentima dostaviti u zatvorenoj koverti preporučeno putem pošte ili putem protokola Kantona Sarajevo sa naznakom:

„Komisija za provođenje Javnog oglasa za prijem namještenika - NE OTVARATI“ na adresu:

Kanton Sarajevo

Ministarstvo kulture i sporta

ul. Reisa Džemaludina Čauševića broj 1

71000 Sarajevo.

Dokumentacija uz prijavu dostavlja se u originalu ili ovjerenoj kopiji.

#### **VIII - Napomena:**

Komisija će sa kandidatima koji budu ispunjavali uslove javnog oglasa obaviti intervju i isti će biti testirani.

Izabrani kandidat dužan je dostaviti ljekarsko uvjerenje o zdravstvenoj i radnoj sposobnosti prije stupanja na posao od nadležne zdravstvene institucije i uvjerenje da se protiv njega ne vodi krivični postupak (ne starije od tri mjeseca) izdato od strane nadležnog suda.

Namještenik koji stupa u radni odnos podliježe obavezi probnog rada koji traje tri mjeseca.

Nepotpune i neblagovremene prijave neće se uzimati u razmatranje.

**MINISTAR**

*Kenün Magolla*



Adresa: Reisa Džemaludina Čauševića 1, 71 000 Sarajevo

Tel/fax: + 387 (0) 33 562-062

Web: <http://mks.ks.gov.ba>, E-mail: [mks@mks.ks.gov.ba](mailto:mks@mks.ks.gov.ba)